

Assiliamik nassuiaasersuineq & assiliamik misissueqqissaarneq

Maluginiarneqassaaq misissueqqissaariaaseq isummersorfiunani matutitsiinnarsinnaammat. Immaakkajuttarpoq isumaqaraanni apeqqutit tamarmik akineqassasut, akissutit tamarmik misissueqqissaarnerup inerneraniissasut aamma najoqqutap tullerriiaarnera maleqqissaarlugu akissutit inissititerneqassasut.

Misissueqqissaarnermili najoqqutassaq nalinginnaasuvoq. Taamaattumik apeqqutit ilarpasui assiliamut misissukkamut tulluunnavianngillat. Taamaammat misissueqqissaariaaseq taamaatsiinnarlugu misissueqqissaarnermi naammassisamut najoqqutassiaanngilaq, tassaallunili apeqqutit pingaarutillit tamakkiisumik qlarnaatsumillu akineqarsinnaanissaannut sakkussaq.

Assiliamik nassuiaasersuineq

Imaa

Kia assiliaq suliaraa? Sumi aamma qanga?

- *Eqqumiitsuliortoq, aqqa ukiorlu*

Assiliaq qanoq ittuua?

- *Assiliaq aalajangersimavissoq (assilisaq, qalipagaq, ussasaarut)*
- *Assiliat tullerriiaat (titartakkat tullerriiaartut - tegneserie)*
- *Assiliaq uumassusilik (tv-aviisi, ussasaarut, nangeqattaartuliaq, nipilersortunik videuliat il.il.)*


Assiliap suna takutippaa?

- *Suna takoqqaarpiuk (assiliami maluginiaqqaagaq)?*
- *Sumi piva?*
- *Avatangiisit qanoq isikkoqarpat?*
- *Qanga pisuua? (piffissaq)*
Qanoq isillugu takusinnaaviuk?
- *Assiliami susoqarpa (pisoqarnera)?*
- *Suut assimiippat (inuit, uumasut...)?*
- *Qanoq isikkoqarpat?*
- *Suut atorpaat?*
- *Kiinaasa isikkui qanoq isikkoqarpat?*
- *Oqalussinnaasuugunik suut oqaluttuarissagaluarpaat?*
- *Inuttaasut akunnerini qanoq attuumassuteqarsoraagit?*


Assilialioriaatsimi sunniiniutit sorliit atornerqarpat?

Isiginnaartutut inissisimaffik sorlermiippa (*ataanit, qulaanit imaluunniit nalinginnaasumit*)?

Sooq? (*inissisimanerup takutissinnaavaa assilialiortup assiliami pisunut qanoq isumaqarfiginninnera*)



Nalinginnaasumik



Ataanit



Qulaanit

- *Assiliap sannaq qanoq ittuua (saqqaani, qeqqani tunuliaqutaanilu soqarpa)?*
- *Assip sannaq qanoq ippa (assiliami pingaarnertitat qeqqaniippat, assip illuatungaani, qeqqani ammukartumi, titarnerni sanimukartuni, titarnermi tukimukartumi, pingasunik teqqeqqulimmi imaluunniit titarduakkami 'det gyldne snit'-imi)?*

Titarluagaq 'Det gyldne snit':


Assiliami pingaarnertitat qeqqanut pisinnagit nikisiallanneqarsinnaasarput. 'Det gyldne snit'–ip inissinnissaanut najoqqutassiaq itsarsuarli ilisimaneqarpoq, tassa assiliap ilaani titarneq assiliap kusanarnerpaaffianik immikkoortitsisoq. Assiliami titarnerit taamaattut sisamaapput, titarnerillu naapiffianni assiliap imaanut pingaaruteqartut inissinneqarsinnaasarlutik.



Titarluagaq 'Det gyldne snit'

Qalipaaitit sorliit atorpeqarpat?

Qalipaatinik nigalik – nammineq qalipaguk:



Qalipakkani qalipaaitit atorpeqartut qalipaaitit nigalianni imminnut ungasinnerusut: tungujortoq/orangea – sungaartoq/tunguusaq – aappaluttoq/qorsuk sakkortunerullutillu amerlasuutigut qiimarpasinnerusarput.

Qalipaaitit kissalaartuupput sungaartumiit aappaluttoq ilanngullugu. Qalipaaitit kissalaartut, misigissutsinik kissalaartunik, tiinganermik nuannaarnermilluunniit ersersitsisarput.

Qalipaaitit nillertuupput tungujortumiit qorsuk ilanngullugu. Qalipaaitit nillertut misigissutsinik nillertunik, piviusorsiornermik silatusaarnermillu ersersitsisarput.

Qalipaatinik ilisarnaasersortarneq aalajangersimasunik qalipaariaatsini takussaasarpoq, qalipaallu aalajangersimasoq arlalinnik isumaqarsinnaasarluni; taamaattuumik assiliap ataqatigiinnera isigiqqissaarneqartariaqarpoq. Ussassarutini nutaaliani qalipaatinik ilisarnaasersorneq paasiuminartuuvoq, inunnut mutiusunut naatsorsuussaasarami. Assiliami qanganisami qalipaaitit arlaannut ilisarnaataanersut aalajangiukkuminaassinnaapput.

Assiliamik misissueqqissaarnerup assiliamik nassuiaasersuinerup saniatigut immikkoortut marluk imarai ukuusut: *Isumasiuineq* aamma *naliliineq*

Isumasiuineq

Sooq assiliaq suliarineqarpa?

- *Sunniiniut*
- *Inniminnigaq*
- *Isumassarsiorfik*
- *Atuakkap assiliartaa*
- *Sulinngiffeqarnermi assilisaq*
- ...

Sooq assiliaq taamatorpiaq suliarineqarpa?

Eqqarsaatit, misigisimanerit, misigissutsillu suut assiliap ersersippai?

- *Ersiumisaarneq*
- *Nuannaarneq*
- *Annilaanganeq*
- *Toqqissisimaneq*
- *Romantikki*
- *Amiilaarneq*
- *uiverneq*
- ...

Isummat suut oqaatigineqarpat?

Assiliap suna oqaatiginiaarpa?

Assiliamik nalililneq sanilliusinerlu**Assiliap ataqatigiinnera**

- *Oqariartuutaa iluatsippa?*
- *Assiliaq piffissamut aalajangersimasumut naleruuppa?*
- *Assiliap takutippai inuiaqatigiinni ilaasut aaliangersimasut isumaat?*
- *Assiliaq assiliaanermigut nalinginnaasuaa (ussassaarutit taamatut isikkoqartarpat, nipilersorluni videoliat, assit, il.il.)?*
- ...

Nalililneq

- *Assiliaq qanoq isumaqarfigaajuk?*
- *Assiliaq qanoq ilinnut "oqarpa"?*
- *Assiliaq tamaginnik assigiimmik paasineqarpa? Sooq?*

...